

მ ვ ყ ე მ ს ი

ოფიციალური ნაწილი.

საყოველთაოდ

**განაკარგულება საქართველო-იმერეთის სინოდალ-
ნი კანტორისა 26 იანვრიდან 1888 წ. № 226.**

უქაზისა მებრ მისი იმპერატორავითის დიდებუ
 ლებისა, საქართველო-იმერეთის უწმიდესის სინო-
 დის კანტორამ მოიხმინა: უწმიდესის სინოდის გადაწ-
 ყვეტილება, შემდგარი ოკტომბრის იღ.სა რიცხვისა
 № 2138 ნომრით მაზედ, რომ რომე-
 ლიმე კონსისტორიები აძლევენ ქმრიანს ქალებს მეტ-
 რიკულს მოწმობათა დაბადებასა და მონათვლასა
 ზედა მათის შეილებისა და ესე შეილები იმ მოწმო-
 ბებში იხსენებიან უკანონო შობილად, და რომ
 ესეთი შეცდომილებანი არ მოხდეს, ბრძანეს: ყოვე-
 ლის ეკლესიის კრებულს უნდა ჰქონდეს სახეში და
 აღასრულდეს შემდეგ: ა) ყველა ახლად დაბადე-
 ბულნი, რომელნიც შობილ იქმნებიან ქმრიანი ქა-
 ლისაგან მისი ქორწინების არსებობის დროს და გან-
 მავლობასა შინა სამას ექვსის დღისა ქმრის სიკვდილის
 შემდეგ, ანუ მათის ქორწინების დარღვევის შემდეგ,
 ესრეთი ყრმანი ირიცხებიან ყოველთვის კანონიერ
 შობილად (იხილეთ ესე რით მუხლში მეათე ტომისა,
 პირველის ნაწილისა); ბ) თუ მამა ბავშვისა მისს უკა-
 ნონოდ, ვითომც, შობაზედ იფიქრებს რასმეს, მაშინ
 იმან უნდა განაცხადოს ესე სამოქალაქო სამჯაგროსა
 შინა (იხილეთ რაჟ მუხლი იმავე კანონების ტომისა);
 და გ) გინდ რომ ყმაწვილის ქმრიანმა დედამ, ანუ
 მისმა ქმარმა და ნათესაებმა კიდევ რომ განაცხადონ
 იმა ახლად შობილის უკანონოდ შობა, მაინც ადგი-
 ლობრივ მღვდელს არა აქვს ნება, რომ ამნაირი ყმაწ-
 ვილი ჩასწეროს მეტრიკის წიგნში უკანონოდ შო-
 ბილად, ამისთვის სინოდის კანტორამ დაადგინა: მი-
 ეწეროს ყველა მრევლის მღვდლებს და მონასტრე-
 ბის წინამძღვართა, რომ მათ ჩასწერონ ხოლმე მეტ-
 რიკის წიგნებში კანონიერ შობილად ის ყრმანი,
 რომელნიც შობილ არიან ქმრიანი ქალებისაგან მათი

ქორწინების არსებობის დროს, ანუ სამას ექვსის დღის
 განმავლობასა შინა შემდეგ მათის ქორწინების დარ-
 ლვევისა და არ მიაქციონ ყურადღება მათი დედმამის
 განცხადებას, იმა ბავშვების უკანონოდ შობაზედ, კი-
 დეც რომ ის ცოლ-ქმარნი ერთად არ ცხოვრებდენ.
 ბავშვზენოს პირი ამა უქაზისა ქურნალ «მწყემსი»-ს
 რედაქციას დასაბეჭდათ რუსულ და ქართულ ენაზე
 სამღვდელთა სახელმძღვანელოდ.

სინოდის კანტორის წევრი აკტიმანდრიტი მაკარი
 სეკრეტარი პ. სუსეკვი
 სტოლის უმფროსი ი. კიკნაქელიძე.

იმერეთის ეპარქიალური სამოსწავლოებლო რჩევი- საბან.

იმერეთის ეპარქიალური სამოსწავლოებლო რჩევი
 ამით აცნობებს საყოველთაოდ იმერეთის ეპარქიის სამ-
 ლედლოებს, რომ მისი ყოველად უსამღვდლოეობა
 იმერეთის ეპისკოპოზი ზაბრიელი, — შემდეგ ცნობების
 მიღებისა რწმუნებულს მისი ყოველად უსამღვდლოე-
 სობისადმი სამღვდლოებისაგან შესახებ გადადებისა,
 შეძლებისამებრ, ყოველ წლობით ერთი ნაწილის საეკ-
 კლესიო კრუშკებით მოგროვილ ფულებისა დანაშთენ-
 თაგანს იმერეთის საეკლესიო სამრევლო სკოლების
 სასარგებლოდ საფუძველსა ზედა უწმიდესი სინოდის
 უქაზისა 20 იან. 1886 წ. № 13, — საჭიროდ ჰპოებს
 დააწესოს 5% (ხუთ სარგებლიანი) შემოსატანი თი-
 თოეული ეკლესიისაგან საშუალებათა გასაძლიერებ-
 ლად გახსნისათვის და შენახვისათვის დასახელებულ
 სკოლათა. ზარდა ამისა საფუძველსა ზედა იმავე უქა-
 ზისა ბლალაჩინებმა უნდა დააწესონ ეპარქიის ყველა
 ეკლესიებში განსაკუთრებითი კრუშკები შემოწირუ-
 ლებათა მოსაგროვებლოდ სამრევლო სკოლების სა-

სარგებლოდ და სულის წმიდის მოფენის დღეს, ყოვლად უსამღვდელოესს ცირკულიარის თანახმად, მაგროგონ შეწირულებანი და ესრეთი შეკრებილი ფულები 5% ერთად უნდა გარდასცენ დაუყოვნებლივ იმერეთის ეპარქიალურ სამოსწავლელო რჩევაში.

გორის მაზრის სამხედრო ბეგრის დაწესებულების თავსმჯდომარის თავად-აზნაურთა წინამძღოლის მიწერილობა მისი მაღალ ყოვლად უსამღვდელოესობის, მთავარ-ეპისკოპოსის პატივადის, საქართველოს ექსარხოსისადმი.

12 თებერვლიდამ 1888 წლისა № 49.

როცა ახალ-გაზდა ემაწვილი კაცნი გამოკვეყნდა ჯარში წასასვლელად სოფელს დეაში წარსულს 1887 წელს 14 ნოემბერს ბლადოჩინმა მღვდელმა ზურაბ დჯიოევმა შესრულა სამადლობელი პარაკლისი; ამავე თვის 16 რიცხვს, როცა ახლად გამოწვეულნი დაფიცებულ იქმნენ, მ. ზურაბ დჯიოევმა როგორც ახლად გამოწვეულთ, ისე იქ მყოფ პირთა ოსურს ენახე უთხრა სიტყვა, რომელიც ამასთანავე იკსავნება; სიტყვის გათავების შემდეგ ბ. ზურაბ დჯიოევმა მიიწვია ახლად გამოწვეულნი პირნი სადილზე.

ამკარად გამოჩნდა, რომ მამა დჯიოევის სიტყვამ იქიმედა როგორც ახლად გამოყვანილ ჯარის კაცებს, ისე იქ დამსწრებს, ამიტომ ჩემს მოვალეობად ვსთვლი ვაცნობო თქვენს მაღალ ყოვლად უსამღვდელოესობას, რომ მამა დჯიოევმა ცაქის მწვემსური და მა-

მაძვილური დარიკებით და ხალხსე ზედ-გავლენით დიდი შემწეობა აღმოუჩინა სამხედრო ბეგრის კრებულთა წევრებს.

ვაცნობებ რა ამას თქვენს მაღალ ყოვლად უსამღვდელოესობას, ვალად ვსთვლი ვსთხოვო თქვენს მეუფებას, მოწუალყო მწვემს-მთავარო, რათა უეურადდებოდ არ დასტოვოთ ბლადოჩინის დჯიოევის საქებური საქციელი სხვათა სამაგალითოდ.

თავს-მჯდომარე სამხედრო ბეგრის დაწესებულებისა გორის მაზრის თავად-აზნაურთა წინამძღოლი ი. სულხანაოვი.

ამ მიწერილობაზე მისმა მაღალ ყოვლად უსამღვდელოესობამ პატივადიმ, საქართველოს ექსარხოსმა დააწერა შემდეგი განჩინება:

1888 წელსა თებერვლის 19 დღესა. ბლადოჩინს დჯიოევს ეცხადება ჩვენი მწვემს-მთავრული მადლობა და ქება მისი საქებური მოქმედებისათვის; გაეცხავნოს როგორც თავად-აზნაურთა წინამძღოლის მოწერილობა, ისე ამასთანავე წარმოკსავნილი სიტყვა მ. დჯიოევისა ეურნალ «მწვემსი»-ს რედაქციას დასაბუჭდად.



მწყმსი

1883-1888

«მწყმსი» გამოდის თვეში ორჯერ, ყოველი თვის ისეთივე და ოც-და-ათ წაცხვებში.

გ ა ზ ე თ ი ს ფ ა ს ი :

«მწყმსი»	«მწყმსი» რუსული გამოცემით
12 თვით 5 მან.	12 თვით 6 მან.
6 — 3 —	6 — 4 —

გაზეთის ფულის და ყოველ გვარი წერილების გაგზავნა შეიძლება რედაქციაში ამ ადრესით: *Въ Квирылы, Въ редакцію „Мижмси“ (Пастыр).*

ყველა სტატიები და კორრესპონდენციები, რომელნიც რედაქციაში იქნებიან გამოგზავნილნი დასაბეჭდავად, უთუოდ ვრცლად და გასაგებად უნდა იყვნენ ავტორთაგან ხელმოწერილნი. ავტორთაგან გამოგზავნილი სტატიები შეიძლება ხან-დის-ხან შემოკლებით და შესწორებით დაიბეჭდონ. სტატია, რომელნიც არ დაიბეჭდებიან, სამი თვის განმავლობაში შეიძლება ავტორებს მათის ხარჯით უკანვე დაებრუნოს. სტატიები მიიღებიან რუსულ ენაზე დაწერილნიც და თარგმნით დაიბეჭდებიან.

ახალი წოდების საქართველოს საგზავლოების ნაყოფიერი მსახურებისა და მოქმედებისათვის მის მუშაობრივ ასპარაზზე.

ჩვენს სამღვდელოებას ბევრი რამ ნაკლები ვიყავით და, აქვს და, შეიძლება, შემდეგშია დიდხანს გაჰყვას მას ეს ნაკლები ვიყავით, მაგრამ არავის არ შეუძლია უარი-ჰყოფს, რომ ეს სამღვდელოება თან-და-თან იღვიძებს და იგნებს თავის ნაკლები ვიყავითა და მასთან, შეძლებისა და გვარად, ცდილობს გასწოროს ეს ნაკლები. ამ ნაკლები ვიყავითა შეგნებასთან ერთად ჩვენი ეკლესიის სამღვდელოება ცხადად გრძობს და ხედავს თავის მოვალეობის უმაღლეს იდეალს და დანიშნულებას და ცდილობს მის ჯეროვანად განხორციელებას.

ხშირად შეხვდებით იმისთანა პირთა, რომელნიც ყოველივე ძველს აქებენ და ძველ წესთა ხელ-ახლად განხორციელებაში ხედავენ ახლანდელი დროის ნაკლები ვიყავითა გასწორების საშუალებას. აგრეთვე ძველი ჩვენი სამღვდე-

ლოება, შეიძლება, ბევრს უწინდელს წესებს ამჯობინებს ეკლესიის დროისას, ვინაიდან ამ სამღვდელოებას მაშინ დიდი ზედ-გავლენა ჰქონდა ხალხზე და ნაყოფიერად მოქმედებდა ქრისტეს ყანაში. მაგრამ არ უნდა დაივიწყონ ისიც, რომ ძველი წესი ვარგოდა და ჰქონდა ძალა, სახელდობრ, მაშინ, როცა იგი არსებობდა და იმ გარემოებათა შორის, რომელნიც მას გარს ეხვივნენ; მაგრამ ესაა, ცხოვრების სხვა პირობათა და მოთხოვნილებათა დროს, იგი ან სულ უღონო აღმოჩნდებოდა, ანუ მის მეთაფეს ვერ გააკეთებდა, რისიც გაკეთება შეეძლო ძველ კერძოებულ დროში. ძველ დროში სულ ცოტა სწავლა-განათლების მექანე მღვდელს შეეძლო იმის გაკეთება, რის გაკეთებაც ეკლესიის დროში არ შეუძლია თვით უმაღლეს სწავლა-განათლების მექანე სასულიერო პირთა, კიდევ რომ ძალიან მოინდომონ. რომ კაცმა შეივლოს ამის მიზეზი, საჭიროა საფუძვლიანად გამოიკვლიოს მაშინდელი და ეკლესიის ხალხის გონებითი და ზნეობითი მდგომარეობა. მღვდლის სამოქმედო ასპარეზი არის ხალხის ზნეობითი ცხოვრე-

ბა; ამ ასპარეზზე უოველთვის ერთი და იგივე იარაღით არ შეუძლია კაცს მოქმედება; აქ ერთს ადგილს რომ ერთი იარაღი კარგადა სჭრის, მეორე ადგილს ეს იარაღი სრულეობით ჩლუნგი ხდება. რომ ძველი დროის საშუალებანი არ გამოადგება დღეს ჩვენს სამღვდელოებს მისი დიდი მოვალეობის მტკიცედ აღსრულებაში, ამას ჩვენი სამღვდელოება თვითონა გრძნობს და ამიტომ ცდილობს განმანახოს ახალი საშუალებანი, რომელსაც ითხოვს ეწლანდელი დროის და ცხოვრების პირობანი. ამ გვარად დღეს ჩვენს სამღვდელოებაში შენიშნავს კაცი რაღაცა წინ-მსვლელობას. ამისთანა დროს უოველთვის საჭირონი არიან მზრუნველნი და გზის მაჩვენებელნი პირნი, რომელთაც შეეძლოსთ შენიშნონ საზოგადოების წინ-მსვლელობა და გაარკვიონ იგი უოველის მხრით, რომ გამოდვიძებულს საზოგადოებას გაუძღვენ წინ, რომ ამ საზოგადოებამ საქმით განახორციელოს თავის მოსაზრებანი. მთელი საქართველოს სამღვდელოებისათვის სწორედ ამისთანა პირად გამოჩნდა მაღალ უოვლად უსამღვდელოესი პალატი, ექსარხოის საქართველოსი. მათმა მეუფებამ აღნიშნა ახალი გზა საქართველოს სამღვდელოების განახლებისა და მისგან თავის მოვალეობის მტკიცედ და ნაყოფიერად აღსრულებისა და უოველივე ამის დასაწყისად უნდა ჩავთვალოთ მწყემს-მთავრის პირველი საუბარისამღვდელოების წარმომადგენლებთან ქ. თბილისში 16 თებერვალს ამა 1888 წელსა.

ჩვენმა მკითხველებმა იციან, რომ ქართლკახეთის ეპარქიის სამღვდელოების წარმომადგენელნი მოწოდებულნი იყვნენ მათი მეუფებისაგან ქ. თბილისში, როგორც სასულიერო სასწავლებლის შესახებ საქმეებზე, აგრეთვე ეპარქიის საქმეებზედაც. სამღვდელოების წარმომადგენელნი თავდა-პირველად შეიკრიბენ ექსარხოის სასახლის დარბაზში. მკითხველებმა აგრეთვე უწყიან, თუ მათი მეუფება როგორი სიტყვით მიეგება სამღვდელოების წარმომადგენელთ და რამდენს ხანს ისაუბრა მათთან მამაშვილურად. მწყემს-მთავრის დარბაზი ამ დროს სწორედ რომ საუცხოვო სანახავი იყო. მწყემს-მთავარმა სთხოვა სამღვდელოების წარმომადგენლებს, რომელთა რიცხვი 60 იქმნებოდა, რომ დაძინდა

რიყვნენ, თვით მწყემს-მთავრი დაბრძანდა მათ შორის და ესაუბრა სამღვდელოების წარმომადგენელთ იმ საჭიროებათა და იმ საშუალებათა გამონახვის შესახებ, რომელნიც საჭირონი არიან სამღვდელოების მოვალეობის მტკიცედ და ნაყოფიერად აღსრულებისათვის. მათ მეუფებას წინდაწინვე ჰქონდა ამ პირველი საუბრის საბასო საგნები აღნიშნულნი; ეს საგნები განუმარტა სამღვდელოებას და თავის აზრის დასამტკიცებლად მოჰყავდა სხვა-და სხვა ფაქტები. ამ საუბრის საგნები, რიცხვით 12-მდე, დაბეჭდილნი იყვნენ «მწყემსი» ს მე-4 №-ში და ამიტომ მათი ხელახლად აღნიშვნა ჩვენ საჭიროდ აღარ მიგვაჩნია, მით ნამეტურ, რომ თვითოეული წინადადება ექსარხოისისა იქნება ჩვენგან მოყვანილი და განმარტებული. ამ საუბრის საგნებმა ჩვენში ადრეს მრავალი მოსაზრებანი, შენიშვნები და მოფიქრებანი, რომლებზედაც ჩვენ გვსურს მოველაპარაკოთ დაწვრილებით ჩვენს მკითხველებს.

სამწუხაროა, რომ მწყემს-მთავრის საუბარი ვერ მოისმინეს მთელი საქართველოს საექსარხოისის სამღვდელოების წარმომადგენელთა. მწყემს-მთავრის საუბარი მრავალ-შინარსიანი და მნიშვნელობიანი იყო და სჩანდა, რომ იგი მიმართული იყო მთელი საექსარხოისის სამღვდელოებისადმი. *) ამისათვის ჩვენ ჩვენ მოვალეობადა ვსთვლით ამ საუბრის შინარსი ბეჭვდითი სიტყვის საშუალებით შევატყობინოთ მთელი საქართველოს საექსარხოისის სამღვდელოებას.

დეკ. დ. დამბაშიძე.

*) რადგან ბევრი მღვდელი სიღარიბისა გამო ვერ იწერენ ჩვენს გამოცემას, ამიტომ იმ ნომრების თითო ცალი, რომლებშიაც იქნება აღწერილი და განმარტებული ექსარხოისის საუბარი სამღვდელოებასთან, უუასოდ გაეცხავებათ მთელი საექსარხოისის ბლაღოჩინებს, რათა მათ გარდაცენ ხოლმე ეს ნომრები წასაითხზავდ მათდამი რწმუნებულ მღვდლებს, რომელნიც არ იწერენ ჩვენს გამოცემას.

**ქართლ-კახეთის პაპარკის სამღვდლოების წარ-
მოგადგენელთა კავაბა ჟ. თბილისში. *)**

მესამე კითხვა, რომელიც კრებას უნდა განეხილა, იყო შემდეგი: მეცადინეობა სამღვდლოთაგან დაარსებისათვის ეკლესიებთან წიგთ-საცავთა, რომლებშიაც უნდა იმეკონებოდეს განსაკუთრებით წმიდა მამათა ცხოვრებისა და მათი ღვაწლის აღწერა, როგორც ორიგინალური, ისე ნათარგმნი და სარწმუნოებრივი და ზნეობრივი შინაარსის წიგნები.

ამ საყურადღებო კითხვამ დიდი ბაასი გამოიწვია კრებაზედ. მაგრამ, ჩვენდა სამწუხაროდ, ამ გრძელი ბაასისაგან კინალამ არა სასიამოვნო დასკვნა გამოიყენეს დებუტატებმა. ზოგი დებუტატი ამტკიცებდა, რომ ჩვენიხალხი ჯერეთ იმდენად მომხადებული არ არის, რომ ამისთანა წიგნების კითხვა შეეძლოსო, ჩვენ ხალხში ჯერეთ წიგნების კითხვის სუყვარული არ არის გაფრცელებულიო. ზოგნი ამტკიცებდნ, რომ ზემოთ აღნიშნული წიგნთ-საცავები ეკლესიებისაგან ხარჯს მოითხოვს და ეს ხარჯი ეკლესიას არა აქვსო; ზოგნი ამბობდნ, რომ ყველა ამისთანა წიგნების წაკითხვას დრო და მოცალეა უნდა და მღვდლებს ეს დრო და მოცალეა არა აქვსო. მართის სიტყვით უმეტესი ნაწილი დებუტატებისა წინააღმდეგი გახდა ამ კითხვის სისრულეში მოყვანისა. ამ დროს დეკ. დ. ლამბაშიძემ ითხოვა თავმჯდომარისაგან სიტყვის თქმის ნება. როცა მან ნება მიიღო, დაიწყო: «ეს კითხვა, სთქვა ლამბაშიძემ, მეტად საყურადღებო და სასარგებლოა და დიდ მოფიქრებას ითხოვს, ამიტომ, ჩემის აზრით, ყველას უნდა მიეცეს ნება თავისუფლად გამოსთქვას თავისი მოსაზრებანი ამ საგნის შესახებ. შეიძლება ჩემი სიტყვა სასიამოვნოდ არ დარჩეს ზოგიერთ ჩემ მოძმეებს, ამიტომ ბოდიშს ვითხოვ და ვაცხადებ ეხლავე, რომ იმის თქმას, რასაც მე მოგახსენებთ, მაიძულებს სიმაართლე და ჩვენი სამღვდლოებისათვის კეთილწარმატების სურული. ზოგიერთ დებუტატები, როგორც კრებამ მოისმინა, აცხადებენ, რომ ვითომ ჩვენი ქართველი ხალხი ჯერეთ იმდენად არ იყოს მომხადებული, რომ წიგნების წაკითხვა ეხალისებოდეს და ან სხვის წაკითხულს ყური დაუგდოს. ამ ზოგიერთების შემცდარს აზრს თითქმის მრავალი ჩვენ-

განნი დაეთანხმენ. ძალიან შემცდარნი არიან ისინი, რომელნიც ასე ფიქრობენ ჩვენს ხალხზედ. ძლიერ მოტყუებულნი არიან ისინი, რომელნიც ბძანებენ, რომ ჩვენ ხალხში პატარა წიგნაკების კითხვის სურვილი არ იყოს გაფრცელებული. არა; ჩვენ ხალხში წიგნების კითხვის სურვილი არის, მაგრამ უბედურება ის არის, რომ ჩვენ თვითონ, მათი სულიერი მამები, არა ვართ ჯერეთ ისე მომხადებული, რომ სამწყსოს ჯეროვანი სულიერი საზრდო მივაწოდოთ. ჩვენ სრულებით არ ვაქცევთ ხალხის მოთხოვნილებას ყურადღებას და ამიტომ გვკონია, რომ ის ჯერეთ არ არის იმდენად გონება გახსნილი, რომ ან თვითონ წაკითხოს რამე და ან წაკითხული მოისმინოს. მანუემორებ, რომ ჩვენ, მღვდლები, არა ვართ მომხადებული დროის მოთხოვნილების შესაფერად: ჩვენ არ შეგვიძლია მივაწოდოთ ხალხს შესაფერი სულიერი საზრდო და რომ ეს ჩვენი ნაკლულეცანება დავუაროთ, ხალხს ვამტყუნებთ და ვანბობთ, რომ იგი ჯერეთ მოუმხადებელია და წიგნაკების კითხვა არ შეუძლიაო! რომ ხალხში წიგნების კითხვის სურვილი არის, ამაზე მე მოგახსენებთ შემდეგ: ვკონებ, თქვენ ყველამ იცით არსენას ლექსის წიგნი, იკითხეთ, რამდენჯერ გამოიცა ეს წიგნი და რამდენი ათასი დარიგდა ხალხში? მოიკითხეთ, რამდენი კარი გამოიცა ყარამანიანისა და რამდენი ათასი წიგნი გასაღდა ხალხში? ნუ დაივიწყებთ ამასთან, რომ თითო წიგნი ყარამანიანისა, ვკონებ, ექვს შაურად იყიდება; რამდენი ათასი ცალი წიგნი დარიგებულა ხალხში ქალ-ვაჟიანისა, ვარდ ბელებულიანისა და სხვა ამისთანა წიგნებისა? რას ნიშნავს ეს? იმას, რომ ხალხში ყოფილა და არის სურვილი პატარა წიგნების კითხვასა, რომ ხალხი კითხულობს ყოველ გვარს წიგნებს მათი შინაარსის და შემადგენელთა მიუხედავად. ჩვენი სისუსტით სარგებლობენ ელაცა სომხები ახვატელიანცები და ქართულს ენაზე ადგენენ ხალხის საკითხავ წიგნებს. ამისთანა პირნი მარტო ფულს უყურებენ და არა წიგნის შინაარს. მართა მარტო საერო წიგნების შესახებ ითქმის. თუ კი მოიპოვებოდეს სადმე სასულიერო შინაარსის წიგნები, იმასაც ასე იყიდნენ. 1876 წელში ჩვენ გამოვეცათ შემოკლებული პატარა ლოცვანი, რომელიც სამი წლის განმავლობაში ორი ათას ოთხასი ცალი გაიყიდა. ამ წიგნების რეადასი ცალის ფული, მართალია, გამსყიდვლებმა შეგვიქამეს, მაგრამ ხალხში მაინც გაფრცელდა. 1884 წელში ჩვენ დავაკვეთ მრავალი წიგნაკები, რომლებსაც პროტესტანტები აფრცელებ-

*) იხ. „მწყემსი“ № 4, 1888 წ.

დენ ჩვენ ხალხში როგორც რუსულს, ისე ქართულს ენაზედ. ეს ამბავი თავის დროზედ გამოცხადებული იყო და კიდევ მიიღეს ჯეროვანი ზომები, რომ ამისთანა მანერე — შინაარსის წიგნები არ გავრცელებულიყო ჩვენს ხალხში. რას ამტკიცებს ყველა ეს ჩვენი ნათქვამი? იმას, რომ ჩვენ ხალხში წიგნების კითხვის სურვილი კი არის, მაგრამ ჩვენ სრულებით ხალხის ამ მოთხოვნილებას ყურადღებას არ ვაქცევთ. სამძღვარს გარეთიდან პროტესტანტების და სხვა-და-სხვა აღმსარებელთა მღვდლები ჩვენს სამრევლოებს წიგნებს აწვდიან და ჩვენ კი გავჩერებულვართ და ვიძახით: ხალხი არ არის ჯერეთ მომზადებულიო. ამის შემდეგ რა უნდა სთქვან ჩვენზე?

თქვენ ყველამ კარგად იცით, რომ მღვთის-მშობლის სახელზედ დაარსებული «ძმობის» რჩევა ჩვენ წიგნაკებს გვაბეჭდვინებდა. ეს წიგნაკები 2500 ცალი იბეჭდებოდა და ჩვენ განევი ურიგდებოდა ყოველ ეკლესიის მღვდელს საექსარხოლოში. თითო წიგნაკის ფასი იყო ორი კაპიკი. ჩემგან დაბეჭდილი იყო სულ 10 ათას წიგნაკებისა რიცხვით 25000 ცალი. შემდეგ დეკ. ჩუდევცის გარდაცვალებისა ძმობის თავს-მჯდომარედ დაინიშნა დეკ. მ. პლიევი. მის ხელში ამ წიგნაკების მხოლოდ ორი ნომერი, ესე იგი, № 11 და 12 გამოიცა და მას უკან გადის აგერ ორი წელიწადი, და ამ წიგნების ხსენება აღარ არის.

მართლმაც ახლად დაბეჭდილი წიგნაკები მიმქონდა ვაგონში. მართმა კაცმა ასი ეს წიგნაკი იყიდა ჩემგან. როდესაც უთხარი მას, რომ ყველა მრევლის მღვდელს ყოველ თვეში მოდის ორორი ცალი ამისთანა წიგნაკისა ხალხისათვის წასაკითხავად, მან გაკვირვებით მომიგო, რომ მის მღვდელს არსოდეს არ წაუკითხავს ეკლესიაში ამის მზგავსი წიგნაკი და არც სხვა და ეხლა მე მიუტან თვითონ და ვეტყვი: «აჰა, მამაო, წაიკითხე თვითონ და სხვასაც წაუკითხე». შეიძლება, მართლა, რომ ამ წიგნაკების ფურცლები გაუჭრელიც იყოს ეკლესიებში, მაგრამ ეს იმას სრულებით არ მოაწავებს, რომ ჩვენ ხალხს ამ წიგნაკების შინაარსის მოსმენა ან ესიაძოვნოს და არ უნდოდეს. მე ესთხოვ კრებას, რომ ამ საგანზედ კარგად დაფიქრდეს და ჯეროვანი დადგინებით დააბოლოვოს ეს საყურადღებო კითხვა».

მამა დეკ. პლიევი, რომელიც ამ დროს კრებაზედ ბრძანდებოდა, ლამაზიძის სიტყვის შესახებ გლესისაგან წიგნების კითხვის თაობაზე შენიშნა, რომ გლესს კეთილი მიზნით არ უყიდნია მისგან წიგნები.

ზღვებმა იყიდა ის წიგნები, სთქვა პლიევი, ბოროტ განზრახულებით და მაგვარი გავრცელება წიგნებისა ხალხში სასიამოვნო არ არისო. ზღვებმა იყიდა ფულის მოგებისათვის, რომ შემდეგ გლესებზედ ლუქანში ერთორად გაასაღოს და არა იმ მიზნით, რომ კეთილი საქმე ჩაიდინოსო. ამაზედ ლამაზიძემ დეკ. პლიევს მიუგო შემდეგი: თქვენ იმას ამტკიცებთ, თქვენდა უნებურათ, რასაც ჩვენ ვამბობთ; თუ ვილაცა გლესს ორ კაპიკიანი წიგნაკის შაურად გასაღება შეუძლია, სადა ვართ მღვდლები, რომ ორ კაპიკათ ვერ მივაწოდებთ სამწყსოს ამ წიგნაკებს?..

სამღვდლოების კრებამ გადასწყვიტა: იქმნეს დაარსებული პატარა წიგნთ-საცავები ეკლესიებთან, და ამისთვის იქმნენ მოპოვებულნი ებგლე-სიების საშუალებით სარწმუნოებრივი და ზნეობრივი შინაარსის წიგნები საკითხავად როგორც მღვდელთა, ისე მრევლთათვის.



უბედური შემთხვევა გურიაში.

24 თებერვალს გაემგზავრნენ აქედგან ოდესაში საქემოდ გლესები ლათია ბალიშვილი, იმის ძმის-წული 13 წლისა სტეფანე და ღვაბუის საზოგადოების მცხოვრები, ივანია საბაშვილი, რომლებიც ცოფიანმა მგელმა დაჰკინა 18 თებერვალს. საქმე ასე იყო.

ჩოლოქში (ძობულეთის განყოფილებაში) ბევრია თავისუფალი სახნავ-სათესი მიწა, რომელსაც ძობულეთლები იფად იძლევიან სამუშაოდ, რის გამოც 20—40 ვერსის სიშორიდგანაც კი მიდიან იქ გურულები, იწვევენ სიმინდს და იქვე ნალიაში (სასიმინდე) ინახვენ გაზაფხულამდე; ხოლო გაზაფხულზე ფშენიან და ჰეიდიან იქვე ახლო დაბა შეკვეთილში. ამ განზრახვით წსულა ჩოლოქში 18 თებერვალს თავის სიმინდის გასაფშენელად ლათია ბალიშვილი ძმის-წულითურთ. რადგან ღამეს მოუსწვრია, თავის ნალიამდე ვეღარ მიუწვია და სხვის ნალიას ქვეშ დაბინა-ვებულა; დაუბამს იქვე ხარები, გაუჩაღებია დიდი ცეცხლი და ნაფაზნებებს დაწოლილა ცეცხლის პირად, ერთის მხრით თვითონ, მეორე მხრით კი ძმის-წული. შუალამე იქმნებოდა, რომ ლათია გამოუღვიძებია შენი-

ნებული ხარების ბლავილს. ზეზე წამომხტარმა გლენ-
 მა დანახა, რომ სწრაფლად წამომდგარის ხარის ზურ-
 გიდგან დიდი მგელი გადმოვარდა და იმის წინ დაეცა.
 რადგან ხელად სხვა აღარაფერი დაუოჩა, გლენმა მუ-
 გუხალი აიღო და მგელს სთუთქა, თანაც ბიჭს დაუყ-
 ვირა: მიშველეო. მგელი სწრაფლად ეცა გლენს, ჯერ
 წვივის კუნთზე უკბინა, მერე მარცხენა ხელის ცერი
 წაჭკლიჯა. ეს მოხდა ერთის წუთის განმავლობაში.
 ამ დროს ბიჭიც წამოვარდა, სასთუმალს წაღლი სდე-
 ბოდა, აიღო და მგელს მოუქნია, მაგრამ მგელმა და-
 ასწრო, ბიჭს მკლავში ჩაეჭიდა, შორს წაათრია, და-
 აგლო და თვითონ ნელა გაუდგა გზასა. ზამწარებუ-
 ლი ღათია წაღლით ხელში გამოუდგა ნადირს და ერ-
 თის ხელით წაღლის დაკერა მოუწოდოდა, მაგრამ ცო-
 ფიანმა ნადირმა დაასწრო და ცხვირ-პირში აეტოტმა-
 ნა. ზღენმა სახეზე უცებ ხელები მიიფარა და დაგლე-
 ჯისაგან იმდენად გადაიჩინა, რომ მხოლოდ ცოტათი
 დაეკაწრა შუბლი და ცხვირი, რის შემდეგ მარცხენა
 ხელის ილლიაში გაშმაგებით ჩაეჭიდა ცოფიანი ნადი-
 რი. ზამწარებულმა გლენმა, როგორც იყო, მოიგლო
 ხელში ნადირის ნიკაპი და მაგრად ჩაუჭირა მარჯვენა
 ხელი, მარცხენა მკლავით-კი თავზე დააწეა და ასე
 საოცრად გააჩერა მგელი; თანაც ბიჭს მიამხა: წაღლი
 მომამშველეო. ბალახულმა და შემინებულმა ბიჭმა
 უღონოდ დაუწყო ნადირს წაღლით ცემა; მგელი-კი ამ
 დროს საშინელის მძინვარებით ასობდა კბილებს საწყალს
 მსხვერპლს, ვადრე შუაზე არ გაჰსჩენეს. ნადირი კი
 მოჰკლა, მაგრამ თვითონ ძალიან დაკბენილი გამოვი-
 და ამ ბრძოლიდგან მარჯვე ბალიშვილი, რომელიც
 დაკბენილია ცხვირსა და ფეხზე, ხელსა და ილლიაში.
 ძმის-წულის-კი მარტო მკლავი აქვს ნაკბენი. მართის სა-
 ათის წინ ამავე მგელს მეორე ნალიას ქვეშ დაეკბინა
 ივანე საბაშვილი, რომელსაც ნაკბენი თავზე აქვს.

მთელი ჩვენი სოფელი შეაძრწუნა ამ საწყლების
 მდგომარეობამ. ბოლოს გადასწყვიტეს, ოდესაში გაგ-
 ზავონ დაკბენილნი საექიმოდ. რადგან დაკბენილები
 ღარიბები იყვნენ, გაიმართა ხელის-მოწერა ამათთვის
 ფულის შესაწვრად. წარსულ კვირას, ნაწირვეს კი-
 დეც მოაგროვეს კაი ძალი ფული. თუმცა ამ დღეს
 კულის დარის გამო ხალხი ნაკლებად იყო ეკლესია-
 ში, მაგრამ მაინც ბახელების სასიქადულოდ უნდა
 ესთქვათ, რომ შეძლებისა დაგვარად ამ საქმეში შემ-
 წვობა არავის დაუზოგავს. ამ დღეს შეიკრიბა 40 მა-
 ნეთზე მეტა ფული, მაშინ-როცა მზურგეთში ამავე
 საქმისათვის მხოლოდ 19 მ. 65 კ. ძლიეს შეეკრიბეთ.

ამ ფულიდგან 5 მ. ბ-ნმა მაზრის უფროსმა შეაწია
 და მხურვალე მონაწილეობა მიიღო დაკბენილების
 მდგომარეობაში. მისწერა ოდესის ქალაქის პოლიცი-
 ას და სთხოვა შემწეობა აღმოუჩინოს დაკბენილთა.
 ღმერთმა ჰქმნას, მოარჩენილნი დაბრუნებულოყენ
 ოდესიდგან ჩვენი მგზავრები. («ივერია»).

წიკილი ჩედატორთანი!

წარსულს წელში გახეთ «ივერიის მე-260 №-ში
 დაბეჭდილი იყო შენიშვნა შემდეგის სათაურით: «ერ-
 თის სურიელის ქართული კალენდარი».

შოველ კალენდარზედ გამომცემლის სახელი და
 გვარი ზედ არის დაბეჭდილი, ამიტომ ადვილი და
 სამართლიანიც იქნებოდა, რომ ამ შენიშვნის დამ-
 წერს იმ კალენდრის გამომცემლის სახელი და გვარი
 გამოეცხადებია. მაშინ შენიშვნის წამკითხველი გაი-
 გებდა, თუ რომელი კალენდარია «ერთის სულიერის
 კალენდარი», რომელიც საესეა შეცთომებით, თორემ
 ივანეს კალენდარიც «ერთის სულიერის კალენდარი»
 ეგონებათ, «მრუდე და შეცთომებით საესე», პეტრე-
 სიც და სხვ.

ამ ცნობის წაკითხვის შემდეგ ვიკითხეთ, ვიძიეთ
 და შეტყუეთ, რომ, «ერთის სულიერის კალენდარი,
 მრუდე და შეცდომებით საესე» არის კალენდარი მი-
 ხეილ ახვატელავისა, რომელსაც ამ 7-8 წლის
 განმავლობაში ბევრი წიგნები აქვს გამოცემული.

როცა ვინმე რომელიმე გამოცემას წუნსასდებს,
 კიდევ უნდა დასახელოს, თუ რაში მდგომა-
 რეობს ეს წუნი. იმ შენიშვნის დამწერს კი
 დაზარებია ახვატელავის კალენდარის ნაკლო-
 ლევენებათა დასახელება. ამისათვის ჩვენ აღ-
 ვნიშნავთ აქ ზოგიერთ ნაკლოლევანებათა, რომელ-
 ნიც ბლომად მოიპოვებიან ახვატელავის კალენდარ-
 ში. პირველად ამ კალენდარში საქართვე-
 ლოს ეკლესიის წმიდანები არ არიან, არ არის ხსე-
 ნება საქართველოს მეფის ღავით აღმაშენებელისა,
 წმიდათა მამათა ღავით გარეჯის უდაბნოს მოწყვედილ-
 თა, შიო-მღვიმელისა, ღოდო ბარეჯელისა, ღავით ბა-
 რეჯელისა, წმ. მოწ. რაქვენისა და სხვათა.

ახმატელოვს საქართველოს ეკკლესიის წმიდანები გამოუჩინებენ, მას არა სურს, რომ ეხლანდელმა საქართველოს ეკკლესიამ იხსენიოს სახელები თავისი მიწა-წყლის ღვიძლი შეიღებისა, რომელიც წმიდა ეკკლესიას მიუღია, ღირსად უცენია და დაუწყესებია ხსენება მათი ყოველ წელს. მრავალი საუკუნოების განმავლობაში არ ხრებდნენ საქართველოს მოსლემანები და სხვანი, ეკკლესიებსა ჰსცარცვიდნენ, ანგრევდნენ, მაგრამ ამ ქრისტიანობის სისხლის მსმელებმა ქართველებს ვერ დაავიწყებინეს თავისი საყვარელი წმიდანები; ეხლა კი ერთადერთი ახმატელოვი ცდილობს თავისი კალენდარით დაავიწყებინოს ხალხს მისი საყვარელი წმიდანების სახელები, უნდა სრულიად აღმოგხრავს იმათი ხსენება. უნდა, რომ ამის გამგონს ყოველ წამდელ ქართველს გული უნდა შესტივიდეს და ხმა ამოიღოს.

ახმატელოვის კალენდარში სწერია: «**ტვილისი**— დამ ფოსტა მიდის მრევანს და სხვ. ორშაბათობით, ოთხშაბათობით და პარასკეობით. იგდირს და სხვ. ოთხშაბათს და პარასკევს». ეს ტყუილია, ერევანს და სხვ. მიდის სამშაბათს, ხუთშაბათს და შაბათობით. იგდირს და სხვა.—სამშაბათს და შაბათს.

ახმატელოვის კალენდარში სწერია: «**ღებვის** გასაგზავნი... მთელი რუსეთი იყოფება სამ ნაწილად, თითო ნაწილი განიყოფება სამ წრედ,... ფასი ღებვისა არის ათხ სიტყვისა... 30 კაპ., 60 კაპ., თორმეტ აბაზი და 20 კაპ.»—ეს ტყუილია. რუსეთში ღებვის ფასი ერთმეცა 15 კაპ. და თითო სიტყვაზედაც 5 კაპ.

აქედით ახმატელოვის რჩევა სხვა-და-სხვა სწეულების ექიმობაზედ.

•**თავის ტკივილისათვის:** მოიტანეთ ვარდის წყალი, შიგაფუფი გალესეთ და თავზედ შემოადევით, მორჩება, ანუ პილპილი დანაცეთ, წყალში დაალბეთ, შუბლზედ შემოადევით და მორჩება».

მსთქვით კაცს ანთებით თავი სტკივა, პილპილი დანაცეთ, შუბლზედ შემოადევით და მორჩება!!

უებარი წამლობა ყურის ტკივილისა.

«**ყურის ტკივილისათვის:** თხისა და კაცის შარდი გამთბარი ყურში იორთქლეთ, მორჩება ღვითთ».

«**ავიზნისათვის:** დაიჭირეთ ერთი ზღარბი, ცოცხალს გულ-ღვიძლი ამოართვიეთ, ფილტვიანთ გაახმეთ და როცა დაემართოს, ღვინოში გალესეთ, ასეთსამ დღეს დილა-სალამოს, მორჩება». მორჩა და გაგათავდა!..

ტიმატ ღლებში გაფრთხილება, არსად წასვლა და ცუდათ შინ ჯდომა ხომ ყველაფერს გადაეკარბება!.. მექსილის და გერბის ქალაღების ფასი ახმატელოვის ისევე ძველებურია და ახალის ჯერ მას, როგორც ჰგავს, არა შეუტყუია რა!

მეცხრე წელიწადია, ეს კალენდარი იცემა. სამწუხარო ის არის, რომ ამ ცხრა წლის განმავლობაში მთელ საქართველოში ერთს არავის შეუნიშნავს ეს ყალობა. მარადამისა შეტომებით საესე კალენდარში 20 კ. იღებს. ახმატელოვის კალენდარს რომ გაუკონოთ, ბევრს უსიამოვნებას მივიღებთ.

აღ. ნადირაშვილია.


გ ვ თ ს ა მ ა ნ ი ა.

იერუსალიმში აღდგომის ტაძრის შემდეგ წმიდა ადგილად ითვლება ბეთსამანია, სადაც მრავალი მლოცველები დადიან. იესო ძრისტეს განხორციელების და მისი ქვეყნად მყოფობის დროს ბეთსამანია იყო პატარა სოფელი, რომლის მკვიდრნი ზეთის ხილისაგან ამზადებდნენ ზეთს; ამ სოფლის მკვიდრნი დღესაც ამავე ხელობით ირჩენენ თავსა. სიტყვა ბეთსამანია ნიშნავს ზეთის ხაღის წვეს და რადგან ამ სოფლის მკვიდრნი უმეტესად ზეთს ამზადებდნენ, ამადგილსაც დაერქვა ბეთსამანია.

ბეთსამანია მდებარეობს ერთ ჩავარდნილს ხევში იოსაფატოვის მინდერის ჩრდილოეთ ნაწილში, ძედრონის ნაკადულის სათავის მარცხნივ, ორი მთის ძირდე. ამ მთებში ერთი ბეჰეჟის მთაა, რომელზედაც გაშენებულია ჩრდილოეთ-სამხრეთი ნაწილი იერუსალიმის უბნისა; ხოლო მეორე ელეანის მთა, საიდგანაც ამაღლდა ძრისტე ზეცად. ბეთსამანიდგან უნდა გაიარო ძალიან აღმართ-დაღმართიანი გზა, რომელსაც შემდეგ მიჰყავხარ ქვიტკირის ხილთან; ეს ხიდი გაკეთებულია ძედრონის ნაკადულზე. ამ ხიდიდგან ძედრონის მთაზე მიდის გზა, რომელიც მთლად მოფენილია ქვებით და ამიტომ ძნელი სავლელია. ეს გზა ბეთსამანიას ჰყოფს ორ ნაწილად. როცა ხილზე გავალ, მარჯვნივ, ცოტა ზევით სძევს ბეთსამანიის ბაღი. მარცხნივ, ნაკადულის პირად არის გამოქვაბული, რომელიც შემოქლუღულია ქვიტკირის გალავნით. ამ

გამოქვაბულში არის მიძინების ტაძარი, ბალი დღეს ფრანცისკანის ბერების ხელშია. ხოლო ტაძარი კი უმეტესად მართლ-მადიდებლებს ეკუთვნის. ამ ტაძარში ასრულებენ ღვთის მსახურებას ბერძნები, სომხები,


ბაღს გარშემო შემოვლებული აქვს ქვის ზღუდე. სამხრეთ-აღმოსავლეთ კუთხეში დატანებულია ისეთი პატარა კარი, რომ შესვლის დროს, თუ არ დაიღუნე, ისე ვერ შეხვალ. როცა გალაფანს შიგ შედიხარ,



გეთსამანიის ბაღი.

კოპტები, აბესინიელები, სირიელები; ამათ გარდა ამ ტაძარში ასრულებენ ლოცვას მოსლემანებაც. შანგებს კი არ უშვებენ ამ ტაძარში ღვთის სავედროებად. ისინი გამოუძეგებიათ ამ ტაძრიდან 1759 წელნი.

ხედავ, რომ ეს ადგილი არც ბოსტანსა ჰგავს და არც ბაღს; მთელი ადგილი დაყოფილია პატარა სასეირნო გზებით. ლობეების პირად ჩამწყრივებულნი არიან ვებერთელა ზეთის ხილის ხეები.



ახალი ამბები და შენიშვნები.

უწმიდეს და უმართებულეს სინოდს საქართველოს საეპისკოპოსოს საეკლესიო სამრევლო სკოლების 1886/7 სასწავლო წლის ანგარიშის განხილვის შემდეგ დაუდგინა: «თბილისის წმ. მარინეს ეკლესიის მღვდელს, სოლომონ შოშიევს მისი განსაკუთრებითი მოღვაწეობისათვის საერო განათლების საქმეში მიუტყნა ჯილდოდ დაბადება». ასეთივე საჩუქარი მიუღია სიღნაღის მარხის ერთ მღვდელსაც.

ჩვენ გვატყუებინებენ, რომ მცხეთის და კასპის რეინის გზის სტანციების სადგურებ შუა, შიო მღვიმის მონასტრის მახლობლად მისი ყოვლად უსამღვდელოების ალექსანდრე ეპისკოპოსის ხარჯით და მეცადინეობით გამართულ იქმნა ბაქანი (Платформа), სადაც ყოველ დღე გახერხდებიან რეინის გზის ვაგონები როგორც ბათუმიდან მომავალი, ისე ბაქადამ. ამ ადგილს ასეთი ბაქანის გამართვა დიდ შემწეობას მისცემს მლოცველებს, რომელნიც ბლრმად დაიარსებიან ხოლმე სალოცავად შიომღვიმის მონასტერში.

მინამდის გამონახული იქმნებოდას საშუალებანი სუსუმის ეპარქიის მართლ-მადიდებელი ეკლესიების საჭიროებათა დასაკმაყოფილებლად, უწმიდეს სინოდს, როგორც იუწყებიან რუსული გაზეთები, დაუდგინა: გაეზახანოს ამ ეპარქიის ეკლესიებს 26 ცალი სამღვდლო შესამოსელი, 19 ცალი მთავარ დიაკონთა შესამოსელი, ოთხი ცალი შესამოსელი ტრაპეზისა, და სამსხვერპლსათვის, ოთხი ცალი კრეტისმბელი სამეუფო კარებისათვის, ორი წყვილი ბანალო, ორი ცალი გარდამოსსნა, რამდენიმე ვერცხლის საეკლესიო ჭურჭლები, რვა ჯვარი, 39 ხატი და ბეჭი სხვა ნივთები. ეს ნივთები გიდაც გამაუგზავნათ დანიშნულებისა მებრ.

ამას წინეთ რუსეთში ერთ საერო კრებაზე აღძრულ იქმნა შემდეგი კითხვა: შეუძლია თუ არა საერო კრებას, რომ ეკლესიის მოსამსახურენი აღიარონ მარხის სამხედრო ბეგრის სამართველოის წევრებად, ანუ ამ წევრების განდიდატებად. უწმიდეს სინოდს მიუღია მხედველობაში, რომ სამხედრო ბეგრის წესდების 90 მუს. ძალით, გიმრც. 1876 წ. მარხის და სამოქალაქო სამხედრო ბეგრის დაწესებულებათა წევრების მოკალეობას არავითარნიც დმოკიდებულება არა აქვს მღვდლის მოკალეობასთან და ამიტომ მღვდლებისათვის აღუგრძალებს

მიიღონ თავიანთ თავსე ესრეთი მოკალეობანი, ეს თავის დადგენილება უწმ. სინოდს უცნობების სახელმძღვანელოდ სასულოერო, სამხედრო და შინაგან საქმეების უწყებათათვის.

რომ უფრო დიდი საშუალება ექმნეს მართლ მადიდებელ სამისიონერო საზოგადოებას, რომლის თავმჯდომარედ ითვლება მისი მალა ყოვ. უსამღვდელოების მოსკოვის მატრარქალიტი იოანნიკე, უწმიდეს სინოდს დაუდგინა, რომ დიდი მარხის პირველ კვარას ყველა ეკლესიაში მოკრებილ იქმნეს შეწირულებანი, რომელთაც უნდა მოხმარდეს მართლ-მადიდებლობის გაგრძელების საქმეს კერპთ-თაყვანის მცემელთა შორის.

რუსული გაზეთი «ნოვოე ვრემია» იუწყება, რომ ბ. საბინის თხრენა შეუწყნარება უწ. სინოდს. როგორც ჩვენმა მკითხველებმა იცან, ბ. საბინმა სთხოვა უწმ. სინოდს ნება-რთვა, რომ სიღნაღის მარხში დასრულებულ ყოფილიყო დედათა მონასტერი რუს და ქართველ მონაზონებისათვის და ამ მონასტერთან სახელსაქმრო სკოლა ამ მარხის მკვიდრთა ღარიბ ემაწვალეებისათვის. უწმიდეს სინოდს ნება მიუცა, რომ ამ საქმისათვის მოიკრიბოს შეწირულებანი. დმერთმა კვანას, რომ ეს შეწირულებანი მოხმარებულ იყოს დანიშნულებისა მებრ.

მისი მალა ყოვლად უსამღვდელოების, საქართველოს ექსარხოსოს პალატის ბრძნებით ამ დიდ მარხაში გვირა-უქმე დღეებში წარმოთქმულ იქმნება ხოლმე ღვთის მსახურების გარეშე მომღვრება-ქადაგბანი შემდეგს ეკლესიაში: გუგაში, გუგაის ალექსანდრე ნეველის ეკლესიაში და ვერასე, ვერის იოანე ღვთის მტყველის ეკლესიაში რუსულად; სიონში, ქაშუეთსა, ავლბრის წმ. მარინეს და ჩუღურეთის წმ. ნიკოლოზის ეკლესიაში ქართულად. იერუსალიმის წმ. კპტიონის ეკლესიაში—ბერძნულს ენაზე და ვერასე წმ. ნიკოლოზის ეკლესიაში თათრულს ენაზე.



სწავლა და მეცნიერება ქრისტიანობრივ სარწმუნოებასა და კეთილ-ზნეობაზე.

მ ო წ ა მ მ ს ა რ წ მ უ ნ ო მ ბ ი ს ა თ მ ი ს .

საკვლეპსიო—ისტორიული მოთხრობა.

(გაგრძელება *).

მრთხელ მეგობარი ქალები შეიკრიბენ მარვარასთან და მხიარულად თამაშობდნენ და ატარებდნენ დროს ბაღში. მარვარას საყვარელ მეგობარ ქალს უეცრად უბიძამ გამოუარდა რაღაცა ნივთი; მან შენიშნა ეს, სჩქაროდ დაიღუნა, აიღო გავარდნილი ნივთი და ჩაიღვა ისევე უბეში. მუშუბა ეს უცბათ მოხდა, მაგრამ ახალგაზდა მარვარამ მაინც შენიშნა. იმან ძალიან მოინდომა ამ გავარდნილი ნივთის ნახვა, მით უმეტეს, რომ იგი იყო რაღაცა გასაკვირველი სახისა; ნივთი იყო ვერცხლისა, — ამის გარჩევა კი მოასწრო მარვარამ, — მაგრამ არ იყო არც ბეჭედი და არც სამაჯე; ამისთანა ნივთი მარვარას თავის დღეში არ ენახა წინათ. რა უნდა იყოს ის? ფიქრობდა ახალგაზდა ქალი.

სტუმრები წავიდ-წამოვიდნენ, მაგრამ ის გასაკვირველი სახის ნივთი, რომელიც გაუარდა ვარვარას მეგობარს, არ ავიწყლებოდა მას. რა უნდა იყოს იგი? — ჰკითხავდა ხოლმე იგი თავის თავს და ბევრ რამეს ფიქრობდა ამ ნივთის შესახებ, მაგრამ რომელი იყო მართალი, არ იცოდა.

ამ საუცხოვო ნივთის ნახვის სურვილი ისე გაუცხოველდა გულში მარვარას, რომ იგი მეორე დღეს, თავის მოხატუბული გამდელით, წავიდა თავის საყვარელ მეგობარ ქალთან.

როდესაც ისინი დაჩქარებულად, მარვარამ მოჰკიდა თავის მეგობარს ხელი და ხეწნით უთხრა შემდეგ:

— მითხარი, ჩემო ძვირფასო დაო, თუ რა ნივთი იყო ის, რომელიც შენ გუშინ უბიძგან გამოგივარდა ჩვენს ბაღში?

ამ კითხვაზე მარვარას მეგობარი შეკრთა და გაყვიოდა.

— არაფერი, არაფერი, უცებ წაიღაპარაკა მან; მე არც კი ვიცი, თუ რას მკითხავ შენ.

— ძე რაზე მიმაღაე? — ჰკითხა მარვარამ; — შენ ხომ იცი, რომ მეც არაფერს გიმაღაე შენ. შენ შენი საიდუმლო გამიმხრილე. ახალგაზდა ქალმა დიდხანს არ უთხრა მარვარას იმ ნივთის სახელი და მნიშვნელობა, ბოლოს წარმოსთქვა:

— მე ვერ გავიბედავ, გითხრა, თუ რა ნივთია იგი.

— ნუ თუ შენ ფიქრობ, უთხრა მარვარამ, რომ მე ბოროტად მოვიხმარებ შენ რწმუნებას? ჩემს ვარდა, არავის არ ეცოდინება შენი საიდუმლო.

ძალიან გელმა პირ-და-პირ შეხედა მარვარას.

— შენ გაიგე რამე მეფის უკანასკნელ ბრძანებაზე? ჰკითხა მან მარვარას.

— ზავიგონე; იგი ბრძანებს სდევნონ მათ, რომელნიც თაყვანს არა სცემენ ჩვენ ღმერთებს, — მიუგო მარვარამ. — ზამოტეხილი უნდა გითხრა, ჩემო ძვირფასო დაო, რომ მე მზადა ვარ უარ-ვყო ჩვენი უსულო კერპნი. მე არ მესმის, თუ როგორ ხდება ის, რომ ხალხი, რომელსაც აქვს გონება, თაყვანსა სცემს მას, რაც თავისი ხელით შეუქმნია. ღარად სდევნიან იმ ხალხს, რომელიც ნამდვილ ქრისტიანებას ღაპარაკობს? მაგრამ ჩვენ ავშორდით ჩვენი ღაპარაკის საგანს.

ამ სიტყვებზე მარვარას მეგობარმა ქალმა გამოიღო უბიძგან საიდუმლო ნივთი; ეს იყო ვერცხლის პატარა ჯვარი.

— აი ის ნივთი, რომელიც თქვენ დაინახეთ გუშინ, — გამხნევებით წარმოსთქვა მან. — ეს იმის მომასწავებელი არის, რომ ნათელმა სძლია ბნელს, კეთილმა ბოროტებას, სამოთხემ ჯოჯოხეთს და ცხოვრებამ სიკვდილს! ამნიშნან ჩვენ ყოველთვის გულზე ვატარებთ; მე მას შევესწირე ჩემი თავი და იმის მორწმუნე დავშთები სიკვდილამდე. მსნივთი არის ჯვარი. ჯვარზე ხალხის ცხოვრებისათვის ეცვა ქრისტე, ძე ღვთისა, რომელიც სამი დღის შემდეგ აღდგა მკვლევით. ისინი, რომელთაც სწამს ქრისტე, იწოდებიან ქრისტიანებად, რომელთა წინააღმდეგ არის აღძრული დევნა. მეც თვითონ, ჩემო ძვირფასო დაო, ქრისტიანე ვარ; ეს რომ მთავრობამ გაიგოს, მე ან უნდა ვეწამო, ან უარ-ვყო უფალი იესო ქრისტე.

მარვარა გაკვირვებით ისმენდა თავის მეგობრის მხურვალე საუბარს და უცქერდა ხან მას და ხან ჯვარს.

— შენ სთქვი: ძე ღვთისაო, — ჰკითხა მარვარამ თავის მეგობარს, — მაგრამ რომელი ღვთის შეილია ეს ქრისტე?

— ღვთისა-შემოქმედის, ცხოველი ღვთისა, რომელმანც ყოველივე შექმნა და ყოველივეს განაგებს; მაგრამ ამაოდ-მორწმუნე ხალხმა დაივიწყა იგი და მის მაგიერ დაუწყო თაყვანის ცემა უსულო გამოხატულებათ.

*) იხ. «მწეპსია»-ს № 4.

— მეც ეს ღმერთი მრწამს, — გაბედულად წარმო-
სთქვა მარვარამ; მაგრამ აქამომდე ვერაინ ვერაფერი
ვერ შემატყობინა მასზე.

მოხუცებული გამდლის ხმამ, რომელიც უჩახოდა
თავის მარვარას, შესწყვიტა მოსაუბრეთა მუსაიფი.

— ღროა ეხლა მე სახლში წვიდე, სთქვა მარ-
ვარამ, მაგრამ გთხოვ შენ, ჩემო ძვირფასო, რომ
ხვალ ხელახლად ვიბაასოთ დიდ ღმერთზე და მის ძე-
ზე. მომეცი მე აგრეთვე ჯვარი, ეს ქრისტიანობის ნი-
შანი, რომ მეც შეგიყვარო ქრისტე. მარვარას თხოვნა
შეასრულა მეგობარმა ქალმა, შემდეგ ორივენი ტკბი-
ლად გამოემშვიდობენ ერთი-ერთმანერთს და აღუთ-
ქვეს, რომ მეორე ღღეს კიდევ შეყრილიყენენ ერთად.

ხოლო უმფროსი უკანასკნელს კვერექს «რომელი ქე-
რაბინთა»-ს წინ, იგივე აკმევს ამ საგალობლის გა-
ლობის დროს; ზ) როცა «დიდი შესვლა» იქნება
უმფროს მღვდელს მიაქვს ბარძიმი და მოიხსენებს
ხელმწიფე იმპერატორს და იმპერატრიცას, ხოლო
უმცროსს მიაქვს ფეშხუმი და იხსენიებს მემკვიდრეს და
ყველა სამეფურო სახლს, უწ. სინოდს და ადგილობრივ
მღვდელ-მთავარს, შემდეგ მოხსენიებს ათავეს, ჩვე-
ულობისა მებრ, უმფროსი სდგამს ბარძიმს ტრაპეზზე,
ართმევს ფეშხუმს მეორე მღვდელს, სდგამს თავის ად-
გილზე და შემდეგ უკმევს, ხოლო უმცროსი ხურავს
კრეთსამბელს და ამბობს კვერექს «აღუტსრულოთ ვედრება
ჩენი უფალსა»; ც) «მშვიდობა ყოველთა»-დგან დაწ-
ყებული (შემდეგ ასამაღლებელისა «მოწყალებითა და
სახიერებითა») ყოველივე წესს ასრულებს უმფროსი
მღვდელი «და იყავნ წყალობა»-მდისინ; თ) კვერექს
«ყოველთა წმიდათა მომხსენებელთა»-ს ამბობს უმ-
ცროსი მღვდელი, ხოლო უმფროსი წარმოსთქვამს
«და ღირს მყვენ ჩვენ მეუფეო»-ს, გამოაქვს ბარძიმი
და წარმოსთქვამს «შიშითა მღვთისათ»-ს და სხვათა
«აწდა, მარადის და უკუნითი უკუნიამდე»-მდის; ი)
კვერექს «შეგვიწყალენ, შეგვიდე» ასამაღლებელით
«რამეთუ შენ ხარ გამწმენდელი» ამბობს უმცრო-
სი, ხოლო უმფროსი «რამეთუ შენ ხარ გამწმენდელი»-ს,
ასამაღლებელის დროს იღებს სახარებას და ასვენებს
მას ჩვეულებისა მებრ ოდიკზე; ია) ასამაღლებელს
«მშვიდობით წარვიდეთ»-ს და «ვევეღროთ უფალსა»
ამბობს უმცროსი მღვდელი; — იგივე კითხულობს,
«რომელი აკუთხედს», უმფროსი კი ასრულებს
ჩამოლოცვას.

შ ი ნ ა ა რ ს ი: მმართველობის განკარგულებანი. —
აწა ოფ. ნაწილი: ახალი წომეები საქართველოს სა-
მღვდელოების ნაყოფიერი სამსახურისა და მოქმედებისა-
თვის მას მწვესებრავ ასპაჩეზე. — ქართლ-კახეთის
ეპარქიის სამღვდელოების წარმომადგენელთა კრება ქ-
თბილისში. — უბედური შემთხვევა გურიაში. — წყრალი
რედაქტორთან. — გუთსამანია. — ახალი ამბები და შენა მხე-
ბი. — მოწამე საწმენოებისათვის. — საჭირო ცნობები
მღვდელოთავის.

საეჭვო კითხვების განმარტება.

რატომ უნდა შეასრულან წიგნა ორმა მღვდელმა, რა-
ცა მთავარ-დიაკონი აწა ჭყავთ?

როცა ორ მღვდელს სურს ერთად წირვა, მაგრამ მთა-
ვარ-დიაკონი არა ჰყავთ, მაშინ წირვას ასრულებენ შემ-
დეგის წესით: ა) კვეთა და პირველი კმევა კათაქმე-
ველთა წირვის წინად უნდა შეასრულოს უმცროსმა
მღვდელმა; ბ) წირვის დასაწყისი და პირველი კვერექ-
სი უნდა წარმოსთქვას უმფროსმა მღვდელმა; გ) მცო-
რე კვერექსები ასამაღლებლებით უნდა წარმოსთქვას
უმცროსმა; დ) «მცირე შესვლის» დროს სახარებას
მიასვენებს უმცროსი მღვდელი, რომელიც წარმო-
სთქვამს აგრეთვე «სიბრძნით აღემართენით»-ს და «რა-
მეთუ წმიდა არს»; ე) «წმიდაო ღმერთო»-ს შემდეგ
«წარსადგომელ»-ს და სამოციქულოს და სახარების
კითხვის წინ ასამაღლებელს «სიბრძნით» და «მოხედენ»-ს
ამბობს უმცროსი მღვდელი; ხოლო «მშვიდობა ყო-
ველთა»-ს — უმფროსი; ვ) სამოციქულოს კითხვის
დროს აკმევს უმცროსი მღვდელი, ხოლო უმფროსი
კითხულობს სახარებას და ამბობს «დიდს შეგვიწყალენს,
კათაქმეველთა ზედა კვერექს და ასამაღლებელს «კა-
თაქმეველნო განვედით» და სხვ. ამბობს უმცროსი,